



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Polyphemus à Galetea spretus conqueritur in littore.

urn:nbn:de:hbz:466:1-13534

IOVERSUS

E Iouis prolem Venus alma, nostris
 Ut sacris assis, humiles precamur,
 Supplices tete dea nunc adimus
 Et tua templa.

Tu preces nostras, & amica tura
 Accipe amborum genitrix amorum,
 Et tibi uotum, tibi dedicatum
 Accipe crinem.

Vouit hunc olim patria recepta,
 Pro duce & uictore, fugato Ameto
 Pro focis, arisq; Ariadna uoces.
 Supplicis audi.

Ipse ego illius tibi diua ab ore
 Osculum supplex uoueo, dicoq;
 Osculum ex uoto cape Cypri, gratosq;
 Oris honores.

Tu meum uictrix hominum, deumq;
 Tu parens rerumq; animantiumq;
 Cuius est quicquid tenerum, decensq;
 Pectora mulcet.

Tu meum felix Cytherea plectrum
 Adiua, & dulcis numeros ministra,
 Dum tuum numen cano, dum tibi aræ
 Molliter halant.

POLYPHEMVS A' GALATEA

spretus conqueritur in litore.

I Ittus o' nostris faueas querelis,
 Sparsaq; ad sicas ades alga cautes.
 Vos meos questus procul icta, longo

Saxa fouete.

Ille ne heu quondam Polyphemus ille,
Mœret ad fluctus? pudet heu canora

Fistula, quæ olim & tiliæ & alnos

Blanda mouebat.

Cuius ad cantum pecudes coibant,

Et feræ è lustris, & aues ab alto

Aethere, & mutæ procul à Palici

Littore ranae.

Ad meam dulcis Gelæ cicutam,

Ad meam mollis Lilybea auenam,

Et meos flaua ad calamos ruebat

Acanea.

Sæpe & ad nostros Arethusa cantus

Flexit, & molles iniit choreas,

Sæpe & ad nostros numeros per attam

Lusit Anape.

Agmen o' felix ouium beati

Et greges felix aries, & hircus.

Hunc amat mulcens Arethusa, at illum

Ardet Anape.

Illa Cironem uiola coronat,

Hæc Carestinum reliquat cypero.

Ludit in pratis utraq; & sequenti

Plaudit amanti.

O' ubi ille ille est Poliphemus? albi

Velleris diues, niueiq; lactis,

Mille quem uaccæ, totidem iuuentæ,

Mille capellæ,

Cum suis hædis, pecudesq; mille,

VERSUS

Mille post agni comitantur. albet
Terra candore, & nemora ipsa balant,
Balat & aer.

Mille equæ armentum Polyphemi, & Aetna
Aetna miratur Polyphemon. una
Ridet informis Galatea, nigro
Pectore, nigris

Displicens mammis Galatea. abite
Mille oues, mille & pecudes, capellæ
Mille cum foetu. procul ite equarum
Tanta propago.

Hoc pedum dextræ decus, hoc puella
Brutiæ gentis Galatea ridet,
Ridet hoc saxo sata, ridet heu heu
Hoc Galatea.

Quod tremit littus Siculum, quod A fra
Horret & Syrtis. procul ipse rupem
Colle de summo obijciam, & fluenti
Hostia claudam,

Ne in mare accessus pateant superbae,
Quæ meam temnit male grata barbam,
Iure cui Marsi inuideant, & ipsi
Cinyphes hirci.

Quæ meos spernit male amica carros,
Quis uel intonse inuideant capellæ.
Quæ meo auertit faciem galero
Dedecus undæ.

Hunc mihi dono dedit illa quondam
Carminum cultrix Helime, atq; auenæ.
Despuit quem (pro' pudor) è luto so

Edita fonte.

Lumen hoc unum mihi, quod decora
 Fronte diffulget, nec honore solū
 Cedit, hoc o' Cratidis orta coeno
 Filia damnas.

I' nigris mammis, nigricante dente,
 Crine subcrispo Galatea, & amne
 Merge te immundo. Polyphemon Aetna
 Aetna tenebit.

Aetna Nympharum decus, Aetna florum
 Mater. o' longum mihi culta salve,
 Et tuos ignes specula è suprema
 Porrige amanti.

Ite oves, ite o' placida capellæ,
 Lucet. en montis dea porgit ignes.
 Linquite & noctem Galatææ, & atram.
 Linquite nubem.

Ite io fidæ comites capellæ,
 Eia io incanæ pecudes abite.
 Vos manet, meq; innuit, en ab altis
 Rupibus Aetna.

FINIS.